



Na osnovu Uputstva o postupku i kriterijima za odobravanje i dodjelu sredstava poticaja namjenjenih subvencioniranju povećanja iskorištavanja kapaciteta u ugostiteljskim objektima iz skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i podsticanje turizma u seoskim domaćinstvima, na koje je Vlada Kantona dala saglasnost Zaključkom broj: 02-14-10987/17 od 27.07.2017.godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu raspisuje:

### **JAVNI POZIV**

#### **za prikupljanje zahtjeva za odobravanje i dodjelu sredstava poticaja namjenjenih subvencioniranju povećanja iskorištavanja kapaciteta u ugostiteljskim objektima iz skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i podsticanje turizma u seoskim domaćinstvima**

1. Pozivaju se turističke agencije i ugostiteljski objekti skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu", registrovani za obavljanje djelatnosti smještaja i pružanja ugostiteljskih usluga turističkim grupama, na području Zeničko - dobojskog kantona, da podnesu zahtjev za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu".

Skupinu "druge vrste objekata za smještaj" čine slijedeće vrste ugostiteljskih objekata za smještaj: sobe za iznajmljivanje, apartman, studio apartman, kuća za odmor, prenočište, odmaralište za djecu, hostel, planinarski dom, lovački dom, učenički dom ili studentski dom.

Skupinu "ugostiteljske usluge u domaćinstvu" čine slijedeće vrste objekata za smještaj: soba u domaćinstvu, apartman u domaćinstvu, studio apartman u domaćinstvu, kuća za odmor u domaćinstvu, kamp u domaćinstvu.

Skupinu "ugostiteljski objekti u seoskom domaćinstvu" čine sljedeće vrste objekata za smještaj: soba, apartman i kamp.

Vlada Kantona će organizatorima (ugostiteljskim objektima skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i turističkim agencijama) subvencionirati dio troškova za smještaj i boravak turističkih grupa u smještajnim objektima na području Zeničko - dobojskog kantona, počev od 01.01.2017. godine.

Osnovica za izračunavanje visine poticaja je ukupan trošak boravka turističke grupe, a što se dokazuje dokumentacijom o uredno plaćenju i prijavljenoj usluzi smještaja i boravka turističke grupe.

Visina poticaja je 20% ukupnog iznosa troška boravka turističke grupe po cijeni utvrđenoj u ovoj tački.

U slučaju zajedničkog angažmana, 50% poticaja pripada turističkoj agenciji, a 50% ugostiteljskom objektu koji je pružio usluge smještaja, boravka i ishrane.

Ukupna visina poticaja po jednom objektu ne može biti veća od 5.000,00 KM, godišnje.

Pod turističkom grupom, podrazumjeva se grupa od 5 i više lica koja organizirano koristi potpunu uslugu u ugostiteljskom objektu iz skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu".

Pod smještajem i boravkom turističke grupe, podrazumjeva se dvodnevni smještaj i boravak (dva puna pansiona ili dva polupansiona ili dva noćenja sa doručkom) u jednom objektu, te uredno evidentiran nakon 01.01.2017. godine.

Pod punim pansionom podrazumijeva se noćenje sa doručkom, ručkom i večerom, a pod polupansionom noćenje sa doručkom i ručkom ili večerom.

Cijena punog pansiona, koja se subvencionira je 50 KM.

Cijena polupansiona, koja se subvencionira je 30 KM.

Cijena noćenja sa doručkom koja se subvencionira je 20 KM.

2. Pozivaju se fizička lica iz Zeničko - dobojskog kantona, registrovana za obavljanje ugostiteljske djelatnosti na području Zeničko-dobojskog kantona u svim vrstama objekata u seljačkom domaćinstvu

(etno-sela i sl.), kao što su vinotočja / kušaonice, izletišta, sobe, apartmani i kampovi, da podnesu zahtjev za odobravanje i dodjelu sredstava poticaja namijenjenih podsticanju turizma u seoskim domaćinstvima.

Pravo na korištenje ovog poticaja, koji se dodjeljuje jednokratno u iznosu od 5.000,00 KM, imaju fizička lica koja su registrovani za obavljanje ugostiteljske djelatnosti i čiji objekat ispunjava minimalne uslove propisane za ugostiteljske objekte koji se ne kategoriziraju, odnosno posjeduje rješenje nadležnog organa da objekat ispunjava propisane minimalne uslove za određenu kategoriju u seoskom domaćinstvu.

3. Jedan korisnik poticaja može koristiti najviše dvije vrste poticaja Ministarstva za privredu u tekućoj budžetskoj godini, ali pod uslovom da ukupno dobijeni iznos ne prelazi 50.000,00 KM.
4. Uz Zahtjev za dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" potrebno je dostaviti original ili ovjerenu kopiju:
  - Odobrenja za obavljanje djelatnosti za fizička lica ili izvod iz sudskog registra za pravna lica,
  - Rješenja o kategorizaciji objekta (za objekte koji se kategoriziraju) i/ili ispunjavanju minimalnih uslova (za objekte koji se ne kategoriziraju),
  - Dokaz o uredno prijavljenom boravku turističke grupe, odnosno dokaz o uredno izmirenim troškovima boravka turističke grupe,
  - Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) – ne starija od 3 (tri) mjeseca u odnosu na dan podnošenja zahtjeva,
  - Original ili ovjerenu kopiju uvjerenja o uredno izmirenim finansijskim obavezama prema Budžetu Zeničko-dobojskog kantona;
  - Uvjerenje Komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva;
  - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
5. Uz Zahtjev za dodjelu sredstava poticaja namijenjenih podsticanju turizma u seoskim domaćinstvima potrebno je dostaviti original ili ovjerenu kopiju:
  - Odobrenja za obavljanje ugostiteljske djelatnosti za fizička lica,
  - Rješenja o kategorizaciji objekta (za objekte koji se kategoriziraju) i/ili ispunjavanju minimalnih uslova (za objekte koji se ne kategoriziraju),
  - Original ili ovjerene kopije Uvjerenja o uredno izmirenim javnim prihodima (porezi, doprinosi, indirektni porezi) – ne starija od 3 (tri) mjeseca u odnosu na dan podnošenja zahtjeva,
  - Uvjerenje Komercijalne banke da je žiro račun subjekta aktivan, ne starije od 3 (tri) mjeseca u odnosu na dan podnošenja zahtjeva;
  - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
6. Po uredno prispjelom Zahtjevu, ocjenu i mišljenje dat će Komisija Ministarstva za privredu. Komisija razmatra Zahtjeve potencijalnih korisnika, te cijeni ispunjavanje uvjeta i kriterija za odobravanje sredstava, a prednost u odobravanju sredstava ima onaj korisnik koji u posljednje tri godine nije koristio poticajna sredstva od strane Ministarstva. Korisnici poticaja Ministarstva u prethodne 3 godine bit će rangirani zavisno od visine dobijenih poticajnih sredstava. Izvještaj Komisije dostavlja se ministru Ministarstva za privredu i isti će biti objavljen na web stranici Vlade Kantona.
7. Na osnovu Izvještaja Komisije, Ministarstvo za privredu predlaže Vladi Kantona donošenje Odluke o odobravanju poticajnih sredstava. Pojedinačnu ili zbirnu odluku Vlada donosi shodno raspoloživim sredstvima za tekuću godinu.

Na početku svake godine Vlada Kantona odlučuje o nastavku dodjele ovih poticaja općenito, shodno projekciji budžetskih rashoda za tekuću godinu, o čemu donosi Zaključak o usvajanju Programa utroška sredstava Ministarstva za privredu.

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija ZDK.

8. Zahtjeve za odobravanje i dodjelu sredstava poticaja namijenjenih subvencioniranju povećanja iskorištavanja kapaciteta u ugostiteljskim objektima skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i podsticanju turizma u seoskim domaćinstvima, sa priložima, treba dostavljati na adresu:

ZENIČKO - DOBOJSKI KANTON  
Ministarstvo za privredu  
KOMISIJA ZA OCJENU ZAHTJEVA  
ZA ODOBRAVANJE I DODJELU SREDSTAVA POTICAJA NAMJENJENIH  
SUBVENCIONIRANJA POVEĆANJA ISKORIŠTENOSTI KAPACITETE UGOSTITELJSKIH  
OBJEKATA SKUPINE "DRUGE VRSTE OBJEKATA ZA SMJEŠTAJ", "UGOSTITELJSKE  
USLUGE U DOMAĆINSTVU" I "UGOSTITELJSKI OBJEKTI U SEOSKOM DOMAĆINSTVU"  
I PODSTICANJU TURIZMA U SEOSKIM DOMAĆINSTVIMA  
Kučkovići br. 2.  
72 000 Zenica

9. Javni poziv ostaje otvoren 60 dana od dana objavljivanja u "Našoj riječi", odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.10.2017.godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: [min.privreda@zdk.ba](mailto:min.privreda@zdk.ba), te na web stranici: [www.zdk.ba](http://www.zdk.ba).